



REPUBLIKA E KOSOVËS / REPUBLIKA KOSOVA

GJYKATA THEMELORE GJILAN

---

P.nr.524/2023

### NË EMËR TË POPULLIT

**GJYKATA THEMELORE NË GJILAN**-Departamenti i Përgjithshëm, gjyqtari i vetëm gjykues Veli Kryeziu, me bashkëpuntoren profesionale Vlora Selmani-Rahimi, në çështjen penale kundër të akuzuarit A... T....nga Gjilani, për shkak të veprës penale në vazhdim vjedhja e shërbimeve nga neni 314 paragrafi 1 lidhur me paragrafin 6 e lidhur me nenin 77 të KPRK-së, duke vepruar sipas aktakuzës së Prokurorisë Themelore në Gjilan me numër PP.II.nr.1141/2023 të datës 25.07.2023, me rastin e vendosjes lidhur me kërkesën e Prokurorisë Themelore në Gjilan për dhënien e urdhrit ndëshkimor, pas konstatimit se të dhënat në aktakuzë ofrojnë bazë të mjaftuar për dhënien e urdhrit ndëshkimor, me datë 07.08.2023, mori këtë:

### A K T G J Y K I M

**PRANOHET** kërkesa e Prokurorisë Themelore në Gjilan për dhënien e urdhrit ndëshkimor me shenjë PP.II.nr. 1141/2023 të datës 25.07.2023, andaj kjo gjykatë jep këtë:

### URDHËR NDËSHKIMOR

**Ndaj të pandehurit: A... T....**nga babai M..., i lindur më datë ....., me vendbanim në fshatin S.... i E..., Komuna e Gjilanit,shqiptar,shtetas i Republikës së Kosovës,me nr.unik të konsumatorit DGL 2...dhe nr. personal 1.....

### ËSHTË FAJTOR S E P S E

Nga dt.24.04.2023<sup>1</sup> e deri më dt.27.05.2023, në kohë të papërcaktuar, në fshatin S..... i E..., Komuna e Gjilanit, i pandehuri, si konsumator i energjisë elektrike, me qëllim të përfitimit të kundërligjshëm pasuror për vete,ka vjedhë shërbime komunale të energjisë elektrike duke bërë lidhje direkt në rrjet në mënyrë të paautorizuar, në atë mënyrë që për shkak të borxhit të papaguar të njëjtit i është çkyçur energjia elektrike duke i vendosur njëtori elektrik në shtyllë me komandë nga distanca dhe pas vërtetimit të gjendjes faktike në terren nga ekipa e kontrollit të KEDS, është vërtetuar se i njëjti në mënyrë të paautorizuar është lidhur direkt në rrjet nga ku është furnizuar në mënyrë të paautorizuar me energji elektrike duke anashkaluar matjen dhe në këtë mënyrë i pandehuri me veprimet e veta të kundërligjshme ka dëmtuar KEDS-in, distriktin në Gjilan në shumë 104.33€.

**Me këtë ka kryer veprën penale të vazhdueshme vjedhja e shërbimeve nga neni 314 par.1 lidhur me par.6 e nenin 77 të KPRK-së.**

---

<sup>1</sup> Koha e kryerjes së veprës penale është përcaktuar sipas procesverbalit me nr.2120544 të dt.24.04.2023

Prandaj, në bazë të nenit 4,31,38,40,43,të KPRK-ës si dhe të nenit 495 par. 1.1 të KPPK-së, të akuzuarit i shqipton:

### **DENIM ME GJOBË**

Ashtu që i akuzuari A... T....dënohet me dënim me gjobë në shumë prej **100 (njëqindë e euro)€**, të cilin dënim është i obliguar që ta paguajë brenda afatit prej 15 ditëve nga dita e plotfuqishmërisë së aktgjykimit.

Nëse i akuzuari refuzon të paguajë dënimin me gjobë ose nuk është në gjendje ta paguaj atë atëherë dënimi me gjobë me pajtimin me të akuzuarit do ti zëvendësohet me punë në dobi të përgjithshme ashtu që 8 (tetë) orë të punës do të barazohen me 20€ (njëzet euro) ndërsa nëse i akuzuari nuk pajtohet me zëvendësimin e dënimit me gjobë me punë në dobi të përgjithshme atëherë dënimi me gjobë do të zëvendësohet në dënim me burgim në atë mënyrë që për çdo 20 € (njëzet euro) do ti caktohet një ditë burgim.

E dëmtuara KEDS, për realizimin e kërkesës pasuroro juridike udhëzohet në kontest civil.

Obligohet i akuzuari që të paguajë shpenzimet e procedurës penale aq sa do të bëhen sipas llogarisë përfundimtare, ndërsa në emër të paushallit gjyqësor, të paguajë shumën prej 20€, si dhe në emer të kompensimit të viktimave të krimit të paguaj shumën prej 20€,brenda afatit prej 15 ditëve nga dita e plotfuqishmërisë së aktgjykimit.

### **A r s y e t i m**

**Prokuroria Themelore në Gjilan**, Departamenti i Përgjithshëm, ka ngritur aktakuzën P.II.nr. 1141/2023 të datës 25.07.2023, ndaj të pandehurit të lartcekur, për shkak të veprës penale kanosja nga neni 181 paragrafi2 lidhur me nenin 77 të KPRK-së dhe njëherësh gjykatës i ka kërkuar dhënien e urdhrin ndëshkimor dhe shqiptimin e dënimit me gjobë me arsyetimin se ka prova të besueshme nga kallëzimi penal, lidhur me besueshmërinë e akuzës së propozuar në drejtim të vërtetimit të fakteve se i akuzuari vërtet e ka kryer veprën penale për të cilën akuzohet.

Gjyqtari i vetëm gjykuese me rastin e shqyrtimit paraprak të çështjes, gjeti se janë plotësuar kushtet nga neni 493 të KPPK-së dhe konform nenit 495, par. 1, 2 dhe 3 të KPP-së, dhe vendosi që të pranohet kërkesën për dhënien e urdhrin ndëshkimor si në dispozitiv.

Kjo gjykatë, konsideron se provat e bashkangjitura në shkresat e lëndës, si vijon: procesverbali 2145124 i dt.27.05.2023 fotografitë e njësorit elektrik për gjendjen në terren, kalkulimi i RH i dt.29.05.2023, fatura DGLHP2..... e dt.29.05.2023.

Andaj duke u bazuar në të lartcekurat dhe në kuptim të nenit 495 paragrafi 1,2 dhe 3 të KPP-ës.

Andaj nga të lartcekurat u vendos si në dispozitiv të këtij aktgjykimi.

**GJYKATA THEMELORE NË GJILAN-DEPARTAMENTI I PËRGJITHSHËM**  
**P.nr.524/2023 me datë 07.08.2023**

**Gjyqtari**  
Veli Kryeziu

**KËSHILLA JURIDIKE:** Kundër këtij aktgjykimi i pandehuri mund të paraqes kundërshtim në afat prej 8 (tetë) ditëve nga dita e pranimin të të njëjtit.